



**Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 80. Jesuitæ divulgato decreto Parisiis vexati.

---

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

„tumcunque ingens sit auctoritas illo- **Sæcul. XVI.**  
 „rum Theologorum, qui nos conde- **A. C. 1554.**  
 „mnant, nullatenus tamen nobis perti-  
 „mescenda est; Deus enim est defensor  
 „noster, reponamus ergo in ejus manus  
 „caussam nostram, & de calumnia vi-  
 „ctoriam reportabimus.,,

Addunt nonnulli, quod Ignatius suis filiis fidem fecerit, fore, ut superatis omnibus obstaculis Societas ad Regnum esset admittenda, ac Parisiense Collegium ex omnibus in Europa futurum sit celeberrimum. Nec vanum erat illius vaticinium; quippe præfigii veritatem eventus comprobavit. Paulo post editum hoc decretum nonnulli Parisienses Doctores unacum Cardinale Lotharingio Romam pervenerant, quibus etiam Divus Ignatius præsente hoc Cardinale colloquebatur, cum autem ex his quidam nomine Benedictus hujus decreti æquitatem tueri vellet, Olaus, qui suum Præsidem comitabatur, loquenter interpellans egregie suam Societatem defendebat: interim Doctor Benedictus hac in occasione Ignatii moderationem, agendique modum deprædicare cogebatur.

### §. LXXX.

*Fœsuaræ divulgato decreto Parisiis vexati.*

I 3

Atta-

Sæc. XVI.  
A C. 1555.

Orland. l.c.  
n. 4.

**A**ttamen hoc Facultatis decreto magis divulgato una omnes contra Jesuitas Parisiis insurgebant, ipsi etiam Concionatores adversus eos ex suggestu declamabant, & Parochi palam ipsorum institutum impugnabant, omnesque Doctorum scholæ ejusmodi sermonibus resonabant. Carpebatur etiam ipsorum doctrina, ac vitæ ratio, quapropter Parisiensis Episcopus Sorbonici decreti auctoritate suffultus, in sua Diœcesi omnes ipsis functiones prohibebat, ejusque exemplum plures alii, qui Parisiis agebant, Prælati sequebantur, illudque imitabantur; Verum Patres solo patientiæ scuto hisce telis obviabant, tempestatem hanc opportuno tempore eludere sperantes.

### §. LXXXI.

Ann. 1555. *Augustana comitia a Cæsare indicta.*

Pallav. l. 13.  
s. 10. n. 3.

**N**ec minores curæ summum Pontificem in Italia anxiū reddebant; quippe præter sollicitudinem, qua ob diuturnam Senensis urbis obsidionem cruciabatur, magis intimo adhuc dolore affligebatur, accepto nuntio, quod Cæsar Imperii comitia Augustæ celebranda eo fine indixisset, ut ibidem de Religionis caussa ageretur, tandemque decidetur, quodnam ex illis quatuor mediis nuper in Passaviensi conventu propositis ad